



少微通鑑前漢卷之二十六



世祖武帝

名炎。姓司馬。懿之孫。昭之子。世執魏政。取

在位一十一年 壽五十五

庚子 太康元年。正月。杜預向江陵。王渾

出橫江。攻吳鎮戍。所向皆克。吳人於江

磧要害之處。並以鐵鎖橫截之。又作鐵

錐長丈餘。暗置江中。以逆拒舟艦。濬作

大筏反房越數十。方百餘步。縛草為人。被

甲持杖。令善水者以筏先行。遇鐵錐。錐

輒著筏而去。又作火炬長十餘丈。大數

十圍。灌以麻油。在船前。遇鎖。然炬燒之。

須臾融液斷絕。於是船無所礙。庚申。潘

克西陵。壬戌。克荆門夷道二城。杜預遣

衙門周旨等帥騎八百。汎舟夜渡江。襲

樂鄉。多張旗幟。起火巴山。吳都督孫歆

懼曰。北來諸軍。乃飛渡江也。乙丑。杜預

伐吳所向皆克

進攻江陵。克之。於是沅湘以南。接于交

廣州。郡皆望風送印綬。預杖節稱詔而

綏撫之。杜預與衆軍會議。或曰。百年之

寇。未可盡克。方春水生。難於久駐。宜俟

來冬。更為大舉。預曰。昔樂毅藉濟西藉慈

夜反一戰。以并疆齊。今兵威已振。譬如破

竹。數節之後。皆迎刃而解。無復著手處

也。遂指授群帥方略。徑造建業。吳主使

丞相張悌等帥衆三萬。渡江逆戰。大敗。

王濬入
建業

王濬至西陵。杜預與之書曰。足下既推其西藩。便當徑取建業。討累世之逋寇。釋吳人於塗炭。振旅還都。亦曠世一事也。濬大悅。自武昌順流徑趣平聲建業。吳主遣游擊將軍張象帥舟師萬人禦之。象衆望旗而降。濬兵甲滿江。旌旗燭天。威勢甚盛。吳人大懼。分遣使者奉書於渾濬。由以請降。壬寅。王濬舟師過三山。王渾遣信要濬。蹇過論事。濬舉帆直指

吳主降

建業。報曰。風利不得泊也。是日濬戎卒八萬。方舟百里。鼓譟入于石頭。吳主皓面縛輿櫬詣軍門降。

右吳四主共五十九年

歷年圖曰。破虜堅以孤遠之兵。決忠憤之志。首犯賊鋒。深蹂洛川。汛掃陵寢。有足多者。討逆策以童子提一旅之衆。揮馬箠以下江東。耆儒宿將。狼狽失據。開地千里。真英才也。大帝承

父兄之烈。師友忠賢。以成前志。赤壁
之後。決策定慮。以摧大敵。非明而有
勇。能如是乎。奄有荆揚。薄于南海。傳
祚累世。宜矣。侯官景帝。皆明惠敢決。
有先世之風。歸命驕復。蒲力反殘虐深
於桀紂。求欲不亡。得乎。

四月。詔賜孫皓爵歸命侯。○五月。引見

歸命侯皓。皓登殿稽顙。

上。康禮反。下。烏曩反。

帝謂

皓曰。朕設此座以待卿久矣。皓曰。臣於

南方。亦設此座以待陛下。賈充謂皓曰。

聞君在南方。鑿人目。剝人面皮。此何等

刑也。皓曰。人臣有弒其君。及姦回不忠

者。則加此刑耳。充默然甚愧。○王濬之

入建業也。其明日。王渾乃濟江。以濬不

待已至。先受孫皓降。意甚愧忿。將攻濬。

何攀勸濬送皓與渾。由是事得解。渾與

濬爭功。渾表濬違詔不受節度。誣以罪

狀。渾子濟尚常山公主。宗黨強盛。有司

功 渾濬爭

奏請檻車徵濬。帝弗許。王濬自以功大。而為渾父子及黨與所挫抑。每進見。陳其攻伐之勞。及見枉之狀。或不勝忿憤。徑出不辭。帝每容恕之。益州護軍范通。謂濬曰。卿功則美矣。然恨所以居美者。未盡善也。卿旋旆之日。角巾私第。口不言平吳之事。若有問者。輒曰。聖主之德。群帥之力。老夫何力之有。此藺生所以屈廉頗也。王渾能無愧乎。濬曰。吾始懲

鄧艾之事。懼禍及身。不得無言。其終不能遣諸曾中。是吾褊也。時人咸以濬功重報輕。為之憤邑。博士秦秀等並上表。訟濬之屈。帝乃遷濬鎮軍大將軍。○杜預還襄陽。以為天下雖安。忘戰必危。乃勤於講武。申嚴戍守。預身不跨馬。射不穿札。而用兵制勝。諸將莫及。○詔曰。昔在漢末。四海分崩。刺史內親民事。外領兵馬。今天下為一。當韜戢干戈。刺史分

杜預安
不忘危

去州郡
兵

職皆如漢氏故事。悉去州郡兵。大郡置
武吏百人。小郡五十人。交州牧陶璜上
言。州兵未宜約損。以示單虛。僕射山濤
亦言不宜去州郡武備。帝不聽。及永寧
以後。盜賊群起。州郡無備。不能禽制。天
下遂大亂。如濤所言。然其後刺史復兼
兵民之政。州鎮愈重矣。○漢魏以來。羌
胡鮮卑降者。多處之塞內諸郡。其後數
因忿愧。殺害長吏。漸為民患。侍御史郭

郭欽論
從戎

吳平政
急

欽上疏曰。戎狄彊獷

古猛反

歷古為患。宜

及平吳之威。謀臣猛將之略。漸徙內郡
雜胡於邊地。峻四夷出入之防。明先王
荒服之制。此萬世之長策也。帝不聽

辛丑二年三月。詔選孫皓宮人五千人

入宮。帝既平吳。頗事遊宴。怠於政事。掖
庭殆將萬人。常乘羊車。恣其所之。至便
宴寢。宮人競以竹葉挿戶。鹽汁灑地。以
引帝車。而后父楊駿始用事。交通請謁。

執傾內外

壬寅三年。帝問司隸校尉劉毅曰。朕可

方漢之何帝。對曰。桓靈。帝曰。何至於此。

對曰。桓靈賣官錢入官庫。陛下賣官錢

入私門。以此言之。殆不如也。帝大笑曰。

桓靈之世。不聞此言。今朕有直臣。固為

勝之。○後將軍王愷可夾反文明皇后之

弟也。散騎常侍石崇苞之子也。二人皆

富於財。競以奢侈相高。愷以糴澳釜盈糴

方帝桓靈

石崇富

之崇以蠟代薪。愷作紫絲步障四十里。

崇作錦步障五十里。崇塗屋以椒。愷用

赤石脂。帝每助愷。嘗以珊瑚樹賜之。高

二尺許。愷以示崇。崇便以鐵如意碎之。

愷怒。以為疾已之寶。崇曰。不足為恨。今

還卿。乃令左右悉取其家珊瑚樹。高三

四尺六七株。如愷比者甚衆。

甲辰五年。初陳群以吏部不能審覈天

下之士。故令郡國各置中正。州置大中

正。取本土之人任朝廷官。德充才盛者為之。使銓次等級以為九品。有言行脩著則陞之。道義虧缺則降之。吏部憑之以補授百官。行之浸久。中正或非其人。姦救日滋。劉毅上疏曰。今立中正。定九品。高下任意。榮辱在手。操人主之威福。奪天朝之權勢。公無考校之負。私無告訐。居謁反之忌。用心百態。營求萬端。廉讓之風滅。爭訟之俗成。臣竊為聖朝恥之。

劉毅論
中正八
損

蓋中正之設。於損政之道有八。高下逐強弱。是非隨興衰。一人之身。旬日異狀。上品無寒門。下品無執族。陛下賞善罰惡。無不裁之以法。獨置中正。委以一國之重。曾無賞罰之防。又禁人不得訴訟。使之縱橫任意。無所顧憚。諸受枉者。抱怨積直。不獲上聞。由此論之。職名中正。寔為姦府。事名九品。而有八損。古今之失。莫大於此。愚臣以為宜罷中正。除九

品。棄魏氏之救法。更立一代之美制。帝雖善其言。而終不能改也。○初帝以才人謝玖賜太子。生皇孫適。以律反官中嘗夜失火。帝登樓望之。適年五歲。牽帝裾入閣中。曰。暮夜倉猝。宜備非常。不可令照見人主。帝由是竒之。嘗對群臣稱適似宣帝。故天下咸歸仰之。帝知太子不才。然恃適明慧。故無廢立之心。

皇孫明
慧

孝惠皇帝

名衷。字正度。武帝第二子。

在位十七年

壽四十八

庚戌 永熙元年。四月。帝崩。帝字量宏厚。明達好謀。容納直言。未嘗失色於人。太子即皇帝位。詔以太尉楊駿為太傅。錄朝政。百官總已以聽。

辛亥 元康元年。賈后凶悍多權略。每欲干預政事。而為太傅駿所抑。遂搆駿以謀反。殺之。廢太后。徵汝南王亮及衛瓘秉政。賈后復詔楚王瑋使殺亮及瓘。尋

賈后殺
諸王

復殺瑋。委張華以朝政。華盡忠。帝室彌縫遺闕。賈后雖凶險。猶知敬重華。賈模與華願同心輔政。故數年之間。雖闇主在上。而朝野安靜。華等之功也。

王戎與
時浮沉

丁巳七年九月。以尚書右僕射王戎為司徒。戎為三公。與時浮沉。無所匡救。委事僚案。輕出遊放。性復貪吝。園田徧天下。每自執牙籌。晝夜會計。常若不足。家有好李。賣之。恐人得種。常鑽其核。鑽。祖官反。

王衍等
清談

凡所賞拔。專事虛名。阮咸之子瞻。嘗見戎。戎問曰。聖人貴名教。老莊明自然。其旨同異。瞻曰。將無同。戎咨嗟良久。遂辟之。時人謂之三語掾。是時王衍為尚書令。樂廣為河南尹。皆善清談。宅心事外。名重當世。朝野之人。多慕效之。衍與弟澄。好品題人物。舉世以為儀準。衍神情明秀。少時山濤見之。嗟嘆良久。曰。何物老嫗生寧馨兒。然誤天下蒼生者。未必

阮咸等
放達

非此人也。樂廣性冲約清遠。與物無競。每談論以約言析理。厭人之心。而其所不知默如也。凡論人必先稱其所長。則所短不言自見。王澄及阮咸咸從子脩。胡毋輔之。謝鯤。王尼。畢卓皆以任放為達。畢卓嘗為吏部郎。比舍郎釀熟。卓因醉夜至甕間盜飲之。為掌酒者所縛。明旦視之乃畢吏部也。樂廣聞而笑之。曰。名教內自有樂地。何必乃爾。初何晏等

何晏祖
尚老莊

祖述老莊立論。以為天地萬物皆以無為本。無也者。開物成務。無往不存者也。陰陽恃以化生。賢者恃以成德。故無之為用。無爵而貴矣。王衍之徒皆愛重之。由是朝廷士大夫皆以浮誕為美。弛廢職業。裴頠著崇有論以釋其蔽。然習俗已成。頡頏論亦不能救也。

巳未九年。太子洗馬江統以為戎狄亂華。宜早絕其原。乃作徙戎論以警朝廷。

徙戎論

曰。夫夷蠻戎狄。地在要荒。禹平水土而西戎即叙。其性氣貪婪凶悍不仁。四夷之中。戎狄為甚。弱則畏服。疆則侵叛。當其疆也。以漢之高祖而困於白登。孝文軍於霸上。及其弱也。以元成之微而單于入朝。此其已然之效也。是以有道之君。牧夷狄也。惟以待之有備。禦之有常。雖稽顙執贄而邊城不弛。固守強暴為寇而兵革不加。遠征期令。境內獲安。疆

場不侵而已。魏興之初。與蜀分隔。疆場之戎。一彼一此。武帝徙武都氏於秦川。欲以弱寇疆國。扞禦蜀虜。此蓋權宜之計。非萬世之利也。今者當之。已受其敕矣。夫關中土沃物豐。帝王所居。未聞戎狄宜在此土也。非我族類。其心必異。而因其衰敕。遷之畿服。士庶翫習。侮其輕弱。使其怨恨之氣。毒於骨髓。至於蕃育衆庶。則坐生其心。以貪悍之性。挾憤怒

之情。候隙乘便。輒為橫。戶孟反逆而居封域之內。無障塞之隔。掩不備之人。收散野之積。故能為禍滋蔓。暴害不測。此必然之勢。已驗之事也。犬馬肥充。則有噬齧。上。視制反。下。魚結反。况於夷狄。能不為變。但顧其微弱。執力不逮耳。夫為邦者。憂不在寡。而在不安。以四海之廣。士民之富。豈須夷虜在內。然後取足哉。此等皆可申論。發遣還其本域。慰彼羈旅懷土之思。

聞蟻問
糜

釋我華夏。織芥之憂。惠此中國。以綏四方。德施永世。於計為長也。朝廷不能用。帝為人驚駭。上。陟降反。下。五駭反。嘗在華林園。聞蝦蟆。謂左右曰。此鳴者為官乎。為私乎。時天下荒饑。百姓餓死。帝聞之曰。何不食肉糜。由是權在臣下。政出多門。執位之家。更相薦託。有如互市。賈郭恣橫。貨賂公行。魯褒作錢神論。以譏之曰。錢之為體。有乾坤之象。親之如兄。字曰孔

錢神論

方。無德而尊。無執而熱。排金門。入紫闈。危可使安。死可使活。貴可使賤。生可使殺。是故忿爭非錢不勝。幽滯非錢不拔。怨讎非錢不解。令問非錢不發。洛中朱衣。當塗之士。愛我家兄。皆無已已。執我之手。抱我終始。凡今之人。惟錢而已。○裴頠薦韋忠於張華。華辟之。忠辭疾不起。人問其故。忠曰。張茂先華而不實。裴逸民慾而無厭。棄典禮而附賊后。此豈

索靖知亂

大丈夫之所為哉。逸民每有心託我。我常恐其溺於深淵。而餘波及我。况可褰裳而就之哉。關內侯索靖知天下將亂。指洛陽官門銅駝歎曰。會見汝在荆棘中耳。

趙王倫殺賈后

庚申永康元年。賈后毒殺太子趙王倫。孫秀等起兵殺后。收張華裴頠青皆殺之。石崇潘岳等皆遇害。崇歎曰。奴輩利吾財爾。收者曰。知財為禍。何不早散之。

倫篡位

崇不能答。遂皆族誅。籍沒崇家。

辛酉 永寧元年。趙王倫篡位。黨與超階

越次者不可勝紀。每朝會。貂蟬盈坐。時

人為之諺曰。貂不足。狗尾續。齊王冏等

起兵討倫殺之。乘輿反正。

壬戌 太安元年。齊王冏既得志。頗驕奢

擅權。中外失望。顧榮張翰皆慮及禍。翰

因秋風起。思菰菜尊羹鱸魚膾。菰。古胡

倫反。鱸落胡反。歎曰。人生貴適志耳。富貴何為。

張翰尊鱸之思

諸王相攻

即引去。○河間王顥。成都王穎等起兵

討齊王冏殺之。

甲子 永興元年。漢高祖劉淵元熙元年。成太宗李雄建興元年。

年。大。一。小。一。是歲僭國。以成都王穎為皇太弟。

○初太弟穎表匈奴左賢王劉淵為冠

軍將軍。淵子聰驍勇絕人。驍。古堯反。博涉經

史。善屬文。彎弓三百斤。弱冠游京師。名

士莫不與交。穎以聰為積弩將軍。淵從

祖右賢王宣謂其族人曰。自漢亡以來。

劉聰驍勇

劉淵起

我單于徒有虛號。無復尺土。自餘王侯降同編戶。今吾衆雖衰。猶不減二萬。柰何歛手受役。奄過百年。左賢王英武超世。天苟不欲興匈奴。必不虛生此人也。今司馬氏骨肉相殘。四海鼎沸。復呼韓邪之業。此其時也。乃相與謀推淵為大單于。使其黨呼延攸詣鄴告之。淵白穎請歸會葬。穎弗許。及王浚東嬴公騰起。淵說穎曰。請為殿下還說五部以赴國。

李雄起於蜀

難。二豎之首。可指日而懸也。穎悅。拜淵為北單于叅丞相軍事。淵至左國城。劉宣等上大單于之號。二旬之間。有衆五萬。遷都左國城。胡晉歸之者愈衆。淵謂群臣曰。昔漢有天下久長。恩結於民。吾漢氏之甥。乃建國號曰漢。即漢王位。○十月。李雄即成都王位。李特子。前年李特起蜀。○帝既還洛陽。張方擁兵專制朝政。太弟穎不得復預事。詔太弟穎以成都王還。

張方劫
帝遷都

第更立豫章王熾為皇太弟○十一月
張方劫帝遷都長安

丙寅

光熙元年

漢元熙三年
成晏平元年

東海王越

起兵討張方。收成都王穎殺之○成都

王雄即皇帝位。國號大成○十一月帝

懷帝即位

崩。太弟即皇帝位。懷帝始遵舊制。於東

堂聽政。每至宴會。輒與群官論衆務。考

經籍。黃門侍郎傅宣歎曰。今日復見武

帝之世矣

孝懷皇帝

名熾。武帝第
二十五子

在位六年

壽三十

琅邪王
保江東

丁卯

永嘉元年

漢元熙
四年

以琅邪王睿為

安東將軍。都督揚州。鎮建業。睿以安東

司馬王導為謀主。推心親信。每事咨焉。

睿名論素輕。吳人不附。居久之。士大夫

莫有至者。導患之。會睿出觀禊胡計導

使睿乘輦

羊車

具威儀。導與名勝皆騎

從。紀瞻顧榮等見之驚異。相帥拜于道

睿收用
江東人
望

左導因說睿曰。顧榮賀循。此土之望。宜引之以結人心。二子既至。則無不來矣。睿乃使導躬遣循榮。二人皆應命而至。循為吳國內史。榮為軍司。加散騎常侍。凡軍府政事皆與之謀議。又以紀瞻為軍祭酒。卞壺為從事。壺。苦本反。王導說睿謙以接士。儉以足用。以清淨為政。撫綏新舊。故江東歸心焉。○十一月。以王衍為司徒。衍說太傅越曰。朝廷危亂。當賴方

王衍三
窟

伯。宜得文武兼資以任之。乃以弟澄為荊州都督。族弟敦為青州刺史。語之曰。荊州有江漢之固。青州有負海之險。卿二人在外。而吾居中。足以為三窟矣。

戊辰二年。漢永鳳元年三月。詔封張軌為西

平公。○漢主淵即皇帝位。以其子聰為大將軍。族子曜為龍驤。音襄大將軍。

劉淵稱
帝

己巳三年。漢河瑞元年初。何曾侍武帝宴。退

謂諸子曰。主上開創大業。吾每宴見。未

何曾日食萬錢

嘗聞經國遠圖。惟說平生常事。非貽厥孫謀之道也。及身而已。後嗣其殆乎。汝輩猶可以免。指諸孫曰。此屬必及於難。曾日食萬錢。猶云無下箸處。○石勒寇鉅鹿常山。衆至十餘萬。以張賓為謀主。并州諸胡羯多從之。

庚午

四年

漢烈宗劉聰光興元年

七月

漢主淵寢

漢主聰立

疾。以楚王聰為大司馬大單于。淵卒。聰即帝位。○京師饑困日甚。太傅越遣使

以羽檄徵天下兵。使入援京師。既而卒無至者。

辛未

五年

漢嘉平元年成王衡元年

東海王越薨。王

衍等奉越喪還葬東海。石勒帥輕騎追之。無一人得免者。執太尉衍等坐之幕下。問以晉故。衍具陳禍敗之由。云計不在已。且自言少無宦情。不豫世事。因勸勒稱尊號。冀以自免。勒曰。君少壯登朝。名蓋四海。身居重任。何得言無宦情邪。

石勒責王衍亂天下

破壞天下。非君而誰。○漢主聰使前軍大將軍呼延晏將兵二萬七千寇洛陽。比及河南。晉兵前後十二敗。死者三萬餘人。始安王曜。王弥。石勒皆引兵會之。未至。晏先至洛陽。以外繼不至。停掠而去。帝具舟於洛水。將東走。晏盡焚之。王弥。始安王曜繼至。呼延晏自宣陽門入。帝出華林園門。欲奔長安。漢兵追執之。○時海內大亂。獨江東差安。中國士民

漢兵都帝

江東百六掾

王曜入長安

賈疋謀復晉室

避亂者多南渡江。鎮東司馬王導說琅邪王睿收其賢俊。與之共事。睿從之。辟掾屬百餘人。時人謂之百六掾。俞絹反刁協。卞壺。苦本反陳頽。居筠反庾亮。甘卓。周訪。陶侃皆與焉。○八月。漢主聰遣始安王曜等攻長安。克之。以曜為車騎大將軍。鎮長安。○安定太守賈疋與馮翊太守索綝謀興復晉室。乃共帥眾向長安。劉曜與疋等戰於黃丘。曜眾大敗。於是疋

王導江
左夷吾

新亭流
涕

等兵執大震。迎秦王業入於雍城。○周顛奔琅邪。王睿睿以顛為軍諮祭酒。前騎都尉桓彝亦避亂過江。見睿微弱。謂顛曰。我以中州多故。來此求全。而單弱如此。將何以濟。既而見王導。共論世事。退謂顛曰。向見管夷吾無復憂矣。諸名士相與登新亭遊宴。周顛中坐歎曰。風景不殊。舉目有江河之異。因相視流涕。王導愀親小然變色曰。當共勦力王室。

秦王業
取長安
姚弋仲
起

克復神州。何至作楚囚對泣邪。衆皆收淚謝之。○賈疋等圍長安數月。漢中山王曜連戰皆敗。驅掠士女奔於平陽。秦王業自雍入于長安。○九月。賈疋等奉秦王業為皇太子。建行臺於長安。○南安赤亭羌姚弋仲東徙榆眉。戎夏襁負從之者數萬。○鎮東將軍顧榮前太子洗馬衛玠皆卒。玠美風神。善清談。常以為人有不及。可以情恕。非意相干。可以

理遣故終身不見喜怒之色

孝愍皇帝 名業武帝孫 吳王晏子

在位四年 壽十八

癸酉建興元年 漢嘉平三年 春正月漢主聰

宴群臣於光極殿使懷帝着青衣行酒

庾珉王雋等不勝悲憤因號泣聰惡之

二月聰殺珉雋等故晉臣十餘人懷帝

亦遇害四月懷帝凶問至長安皇太子

舉哀即皇帝位以麴允為左僕射索瓘

愍帝即位

慕容廆起

為衛將軍軍國之事悉以委之○初中

國士民避亂者多北依王浚浚不能存

撫又政法不立士民徃徃復去之唯慕

容廆 五罪反 政事脩明愛重人物故士民

多歸之廆舉其英俊隨才授任○初范

陽祖逖 他曆反 少有大志與劉琨俱為司

州主簿同寢中夜聞雞鳴蹴琨覺曰 子

此非惡聲也因起舞及渡江睿以為

軍諮祭酒逖居京師糾合驍健言於睿

聞雞起舞

曰。晉室之亂。非上無道而下怨叛也。由宗室爭權。自相魚肉。遂使戎狄乘隙。毒流中土。今遺民既遭殘賊。人思自奮。大王誠能命將出師。使如逖者統之以復中原。郡國豪傑。必有望風響應者矣。睿素無北伐之志。以逖為奮威將軍。豫州刺史。給千人廩。布三千疋。不給鎧仗。音鎧愷使自召募。逖將其部曲百餘家渡江。中流擊楫而誓曰。祖逖不能清中原而

祖逖擊楫

復濟者。有如大江。遂屯淮陰。起冶鑄兵。募得二千餘人而後進。

乙亥

三年

漢建元元年

詔進拓跋猗盧爵為

陶侃運甓

代王

後為魏元

○陶侃為廣州刺史。侃在廣

州無事。輒朝運百甓於齋外。

甓。蒲歷反。

暮運

於齋內。人問其故。荅曰。吾方致力中原。過爾優逸。恐不堪事。故自勞爾。

丙子

四年

漢麟嘉元年

八月。漢大司馬曜逼

帝降劉曜

長安。九月。曜攻陷長安。帝乘牛車。肉袒

通鑑卷之三十六
銜璧輿櫬出東門降。曜焚櫬受璧。遷帝及公卿以下於其營。辛丑。送至平陽。于寶論曰。世祖武皇帝。仁以厚下。儉以足用。和而不弛。寬而能斷。掩唐虞之舊域。班正朔於八荒。于時有天下無窮人之謬。雖太平未洽。亦足以明民樂其生矣。武皇既崩。山陵未乾。而變難繼起。宗子無維城之助。師尹無具瞻之責。朝為伊周。夕為桀跖。國政

迭移於亂人。禁兵外散於四方。方岳無鈞石之鎮。關門無結草之固。戎羯稱制。二帝失尊。何哉。樹立失權。托付非才。四維不張。而苟且之政多也。夫基廣則難傾。根深則難拔。理節則不亂。膠結則不遷。昔之有天下。所以能長久。用此道也。周自后稷愛民十六王。而武始君之。其積基樹本。如此其固。今晉之興也。其創基立本。固異於

先代矣。加以朝寡純德之人。鄉乏不
貳之老。風俗淫僻。恥尚失所。學者以
莊老為宗。而黜六經。談者以虛蕩為
辯。而賤名檢。行身者以放蕩為通。而
狹節信。進仕者以苟得為貴。而鄙居
正。當官者以望空為高。而笑勤恪。是
以劉頌屢言治道。傳咸每糾邪正。皆
謂之俗吏。其倚仗虛曠。依阿無心者。
皆名重海內。禮法刑政。於此大壞。國

之將亡。本必先顛。其此之謂乎。故觀
阮籍之行。而覺禮教崩弛之由。察庾
純賈克之爭。而見師尹之多僻。考平
吳之功。而知將帥之不讓。思郭欽之
謀。而寤戎狄之有釁。覽傅玄劉毅之
言。而得百官之邪。核傅咸之奏。錢神
之論。而覩寵賂之彰。民風國勢如此。
雖以中庸之君。守文之主。治之。猶懼
致亂。况惠帝以放蕩之德。臨之哉。懷

帝承亂得位。羈以強臣。愍帝犇播之
後。徒守虛名。天下之執既去。非命世
之雄才。不能復取之矣。
歷年圖曰。武帝既遷魏祚。席卷全吳。
纘禹舊服。恃其治安。荒于酒色。以開
基之始。不為遠圖。崇尚浮華。敗弃禮
法。惠帝昏愚。不辯菽麥。譬之萬金之
寶。委之中衢。無人守之。安得不為它
人有乎。禍生於閨闈。成於宗室。骨肉
相殘。而胡羯氏羌。鮮卑爭承其弊。剖
裂中原。虀醢生民。積骸成丘。流血成
淵。幾三百年。豈不哀哉。

少微通鑑節要卷之二十六

少微通鑑節要卷之二十七

晉紀

中宗元皇帝

名睿。宣帝曾孫。瑯琊王觀之子。

在位六年 壽四十六

丁丑 建武元年

漢麟嘉二年。張寔稱建興五年。宗元公。

大國一。并成小國一。凡三僭國。琅邪王即晉王位。

睿即晉王位。

大赦改元。始備百官。立宗廟。建社稷。是

時承喪亂之後。江東草創。刁協久官中

朝。諳練舊事。賀循為世儒宗。明習禮樂。

凡有疑議皆取決焉○劉琨段匹磾都

反相與軟血同盟軟所洽反期以翼戴晉室

○十一月征南軍司戴邈上疏以為喪

亂以來庠序隳廢議者或謂平世尚文

遭亂尚武此言似之而實不然今王業

肇建萬物權輿謂宜篤道崇儒以勵風

立太學化王從之始立太學○漢主聰出畋以

愍帝行車騎將軍戎服執戟前導見者

指之曰此故長安天子也聚而觀之故

老有垂泣者○十二月聰饗群臣于光

極殿使愍帝行酒洗爵已而更衣又使

之執蓋晉臣多涕泣有失聲者尚書郎

辛賓起抱帝大哭聰命引出斬之愍帝

遂遇害於平陽

戊寅大興元年漢主劉曜三月愍帝凶

問至建康王斬衰居廬既而即皇帝位

大赦改元百官皆陪列帝命王導升御

床共坐導固辭曰若大陽下同萬物蒼

愍帝遇害

晉王即帝位

生何由仰照。帝乃止。○漢主聰卒。太子
粲即位。為靳準所殺。丞相曜即皇帝位。

石勒進爵為趙王

巳卯

二年

漢改號趙光初二年。舊大國一。

成涼小國二。新大國一。凡四替國。漢王曜還都長安。改

國號曰趙。以單于為祖。○石勒始與曜

絕。自稱趙王。

後趙也。

庚辰

三年

趙光初三年。後趙二年。祖逖鎮雍丘。數

音朔遣兵邀擊後趙兵。後趙鎮戍歸逖者

祖逖經略中原

甚多。境土漸蹙。七月。詔加逖鎮西將軍。

逖在軍。與將士同甘苦。約已務施。勸農

桑。撫納新附。雖踈賤者。皆結以恩禮。自

河以南。多叛。後趙歸于晉。逖練兵積穀。

為取河北之計。後趙王勒患之。乃下幽

州。為逖修祖父墓。置守冢二家。因與逖

書求通。逖牙門童建。殺蔡內史周密。降

于後趙。勒斬之。送首於逖。曰。叛臣逃吏。

吾之深仇。將軍之惡。猶吾惡也。逖深德

之。自是後趙人叛歸遯者。遯皆不納。禁諸將不使侵暴。後趙之民。邊境之間。稍得休息。○帝之始鎮江東也。王敦與從弟導同心翼戴。帝亦推心任之。敦總征討。導專機政。群從子弟布列顯要。時人為之語曰。王與馬。共天下。後敦自恃有功。且宗族彊盛。稍益驕恣。帝畏而惡之。乃引劉隗刁協等以為腹心。稍抑損王氏之權。導亦漸見踈外。導能任真推分。

王與馬
共天下

澹如也。有識皆稱其善處興廢。而敦益懷不平。遂構嫌隙。

辛巳

四年

趙光初四年
後趙三年

七月。以戴淵為

征西將軍。都督司兗豫并幽冀六州諸軍事。鎮合肥。豫州刺史祖逖以戴淵吳士。雖有才望。無弘致遠識。且已剪荆棘。收河南地。而淵雍容。一旦來統之。意甚怏怏。於兩又聞王敦與劉刁構隙。將有內難。知大功不遂。感激發病。九月。卒於

祖逖發
病卒

慕容廆
據遼東

王敦反

雍丘。豫州士女若喪父母。王敦久懷異志。聞逖卒。益無所憚。○十月。以逖弟約為西平將軍。豫州刺史。領逖之衆。○十一月。以慕容廆為都督幽平二州諸軍事。封遼東公。廆立子皝。胡廣反為世子。亂。謂謝鯤曰。劉隗姦邪。將危社稷。吾欲除君側之惡。何如。鯤曰。隗誠始禍。然城狐社鼠。敦怒曰。君庸才。豈達大體。遂舉

壬午

永昌元年

趙光初五年後趙四年

王敦將作

兵於武昌。上疏罪狀劉隗。沈充亦起兵於吳興。以應敦。敦至蕪湖。又上表罪狀刁協。帝大怒。詔曰。王敦憑恃寵靈。敢肆狂逆。方朕太甲。欲見幽囚。是可忍也。孰不可忍。今親帥六軍。以誅大逆。有殺敦者。封五千戶侯。敦傳帝徵戴淵。劉隗入衛建康。隗至。與刁協勸帝盡誅王氏。帝不許。隗始有懼色。司空導帥其從弟中領軍邃。左衛將軍廋。侍中侃。彬。及諸宗

族二十餘人。每旦詣臺待罪。周顛將入。顛。魚導呼之曰伯仁。以百口累卿。顛直豈反入不顧。既見帝。言導忠誠。申救甚至。帝納其言。顛喜。飲酒至醉而出。導猶在門外。又呼之。顛不與言。顧左右曰。今年殺諸賊奴。取金印如斗。大繫肘後。既出。又上表明導無罪。言甚切至。導不之知。甚恨之。帝命還導朝服。召見之。導稽首曰。賊臣逆子。何代無之。不意今者。近出臣

王道求
救於周
顛

族。帝跌而執其手曰。茂弘。方寄卿以百里之命。是何言耶。○三月。以導為前鋒大都督。加戴淵驃騎將軍。詔曰。導以大義滅親。可以吾為安東時節。假之。以周顛為尚書左僕射。王邃為右僕射。○敦據石頭。歎曰。吾不復得為盛德事矣。帝命刁協。劉隗。戴淵。帥眾攻石頭。協隗俱敗。帝令公卿百官詣石頭見敦。以敦為丞相。都督中外諸軍。錄尚書事。呂猗說

百官見
王敦

敦殺周
顛戴淵

後趙復
收河南

敦曰猗於周顛戴淵皆有高名足以惑衆。公不除之恐必有再舉之憂。敦然之。收顛及淵殺之。王導後料檢中書故事。乃見顛救已之表。執之流涕曰。吾雖不殺伯仁。伯仁由我而死。幽冥之中。負此良友。敦竟不朝天子而還武昌。敦既得志。暴慢滋甚。四方貢獻多入其府。將相岳牧皆出其門。○祖逖既卒。後趙屢寇河南。祖約不能禦。退屯壽春。後趙遂取

帝崩

陳留。梁鄭之間。復騷然矣。○十一月。帝憂憤成疾。崩。司空王導受遺詔輔政。帝恭儉有餘。而明斷不足。故大業未復。而禍亂內興。太子即皇帝位。

永嘉陳氏曰。自古爭天下者常易。收天下者常難。唐人有言。神堯以一旅取天下。而子孫不能以天下取河北。嗟夫。是亦其勢然也。夫以匹夫而爭天下。與失天下而收之者。其勢甚不

相若也。凡人之情。輕於用人之所有。重於用已之所愛。輕則勇。重則怯。此爭天下與收天下之所以異也。昔漢高帝資三尺之劍。五載而成帝業。何其銳也。蓋高帝崛起豐沛之微。無寸土為之階。兵秦兵也。粟秦粟也。城邑秦之城邑也。驅非已之民。食非已之粟。而收非已之城邑。故得以肆意而為之。降數十郡而喪之。不恨也。捐數

千里以授三將。不惜也。睢水之圍。滎陽之脫。濱於死而不衰也。以匹夫而爭天下。其幸而集則帝王。不幸而不集。吾如彼何哉。高帝亦不得不勇為之矣。晉元之南渡也。撫江都之勝。兼吳會之饒。亦足以奮矣。而沒齒不能歸。侵疆之咫尺者。非他也。其心愛夫一隅之可以自託。惴惴然惟恐其用之而併失之也。故曰是亦其勢然也。

三代之後。中興之功。莫易於光武。豈光武獨能也哉。蓋其勢亦高祖之勢。而光武亦以高帝之道用之也。

肅宗明皇帝

名紹。字道畿。元帝長子。

在位三年 壽二十七

甲申

太寧二年

趙光初七年。後趙六年。

五月。王敦

疾甚。矯詔拜王應

無子。以應為嗣。

為武

衛將軍。以自副。以王含為驃騎大將軍。

錢鳳謂敦曰。脫有不諱。便當以後事付

王敦卒

應邪。敦曰。非常之事。非常人所能為。且

應年少。豈堪大事。我死之後。莫若釋兵

散眾。歸身朝廷。保全門戶。上計也。退還

武昌。收兵自守。貢獻不廢。中計也。及吾

尚存。悉眾而下。萬一僥倖。下計也。鳳謂

其黨曰。公之下計。乃上策也。遂與沈充

定謀。俟敦死。即作亂。○司徒導聞敦疾

篤。率子弟為敦發哀。眾以為敦信死。咸

有奮志。於是尚書騰詔下敦府。列敦罪

王敦錢
鳳謀逆

討王敦

惡。敦見詔甚怒而病轉篤。不能自將。以王含為元帥。以誅姦臣温嶠等為名。水陸五萬。奄至江寧南岸。帝帥諸軍出屯南皇堂。夜募壯士。遣將軍段秀等帥甲卒千人渡水。掩其未備。平旦戰於越城。大破之。斬其前鋒將何康。敦聞含敗。大怒曰。我兄老婢耳。門戶衰。世事去矣。我當力行。因作勢而起。困乏復卧。敦尋卒。敦黨悉平。有司發王敦瘞出尸。焚其衣。

王敦卒

冠。蹠而斬之。

瘞。於計反。

乙酉三年

趙光初八年。後趙七年。

五月。以陶侃為

征西大將軍。都督荆湘雍梁四州諸軍

事。荆州刺史。荆州士女相慶。侃性聰敏

恭勤。終日歛膝危坐。軍府衆事。檢攝無

遺。未嘗少閒。常語人曰。大禹聖人。乃惜

寸陰。至於衆人。當惜分陰。豈可但逸遊

荒醉。生無益於時。死無聞於後。是自棄

也。嘗造船。其木屑竹頭。侃皆令籍而掌

陶侃惜分陰

竹頭木屑

之。人咸不解所以。後正會積雪初晴。廳事前餘雪猶濕。乃以木屑布地。及桓温伐蜀。又以侃所貯竹頭作丁裝船。其綜理微密。皆此類也。○七月。帝崩。帝明敏有機斷。故能以弱制強。誅翦逆臣。克復大業。太子即皇帝位。生五年矣。太后臨朝稱制。以司徒導錄尚書事。與中書令庾亮尚書令卞壺參輔朝政。然事之大要皆決於亮。

顯宗成皇帝

名衍。明帝長子。

在位十七年

壽二十二

丁亥咸和二年

趙光初十年後趙九年

十月庾亮

以蘇峻在歷陽。終為禍亂。欲下詔徵之。訪於司徒導。導曰。峻猜險。必不奉詔。不若且包容之。卞壺温嶠累書止亮。舉朝以為不可。亮皆不聽。於是下優詔徵峻為大司農。峻遂不應命。峻知祖約怨朝廷。乃遣使推崇約。請共討庾亮。約大喜。

蘇峻祖約反

以兵會峻

戊子

三年

趙光初十一年
後趙太和元年

蘇峻帥眾二

萬人濟自橫江。二月庚戌，峻至蔣陵，覆舟山。陶回謂庾亮曰：峻知石頭重戍，不敢直下，必向小丹陽南道步來。宜伏兵邀之，可一戰擒也。亮不從。峻果自小丹陽來，迷失道，夜行無復部分。亮乃悔之。峻攻清溪柵，下壺帥諸軍拒擊，不能禁。峻因風縱火，燒臺省及諸營寺署。庾亮

峻兵入
臺城

庾亮温
嶠討峻

帥眾將陳于宜陽門內，未及成列，士眾皆棄甲走。亮奔尋陽，峻兵入臺城。稱詔大赦，惟庾亮兄弟不在原例。以王導有德望，猶使以本官居己之右。祖約為侍中，太尉尚書令。峻自為驃騎將軍，錄尚書事。○四月，庾亮温嶠將起兵討峻，遣督護王愆期詣荊州，邀陶侃與之同赴國難。侃即戎服登舟，晝夜而進。温嶠有眾七千，灑泣登舟。郗鑒在廣陵，城孤糧

斬蘇峻

少逼近胡寇。人無固志。得詔書即流涕誓衆。入赴國難。將士爭奮。嶠等同趣建康。戎卒四萬。旌旗七百餘里。鉦鼓之聲。鉦。諸反。震於遠近。○蘇峻聞四方兵起。乙未。逼遷帝於石頭。侃督水軍向石頭。庾亮溫嶠趙胤帥步兵萬人。從白石南上。欲挑戰。峻將八千人逆戰。馬躓。侃部將彭世李千等投之以矛。峻墜馬。斬首鬻割之。焚其骨。鬻。力。反。三軍皆稱萬歲。餘衆

石勒殺劉曜

大潰。峻司馬任護等共立峻弟逸為主。閉城自守。趙胤遣將擊祖約于歷陽。約奔後趙。○後趙中山公虎擊趙主曜。大破之。曜濟自大陽。圍石生於金墉。襄國大震。○十一月後趙王勒自將救洛陽。大破趙兵。斬首五萬餘級。遂殺曜。**巳丑**四年。趙光初十二。後趙太和二年。是歲趙亡。大一。小二。凡三正月趙太子熙帥百官奔上邽。關中大亂。將軍蔣瑛辛恕據長安。遣使降于

斬蘇逸

後趙○二月。諸軍攻石頭西軍。獲蘇逸
斬之○群臣見帝。頓首號泣請罪。司徒
導入石頭。令取故節。陶侃笑曰。蘇武節
似不如是。導有慚色○是時官闕灰燼。
以建平園為宮。溫嶠欲遷都豫章。三吳
之豪。欲都會稽。二論紛紛未決。司徒導
曰。孫仲謀劉玄德俱言建康王者之宅。
古之帝王。不以豐儉移都。苟務本節用。
何憂彫弊。若農事不修。則樂土為墟矣。

王導諫
遷都

且北寇游魂伺我之隙。一旦示弱。竄於
蠻越。求之望實。懼非良計。今特宜鎮之
以靜。群情自安。由是不復徙都

庚寅

五年

趙建平元年

二月。後趙群臣請後

趙王勒即皇帝位。勒乃稱大趙天王。行

皇帝事

壬辰

七年

趙建平三年

正月。趙王勒大享群

臣。謂徐光曰。朕可方自古何等主。對曰。
陛下神武謀略過於漢高。後世無可比

石勒即
位

石勒比
高光

石勒聽
讀漢書

者。勒笑曰。人豈不自知。卿言大過。朕若
遇漢高祖。當並驅中原。未知鹿死誰手。大
丈夫行事。宜礮礮落落。魯如日月皎
然。終不效曹孟德。司馬仲達。欺人孤兒
寡婦。狐媚以取天下也。群臣皆頓首稱
萬歲。勒雖不學。好使諸生讀書而聽之。
時以其意論古今得失。聞者莫不悅服。
嘗使人讀漢書。聞酈食其勸立六國後。

驚曰。此法當失。何以遂得天下。及聞留
侯諫。乃曰。賴有此耳。

癸巳

八年

趙建平四年

五月

遼東慕容廆卒

痲五反

世子

胡廣反

以平北將軍行平州

刺史

○七月

趙主

勒卒

太子弘即位

甲午

九年

趙主石弘延熙元年

成主

雄卒

太子班

即位

其弟

期謀作亂

因班

夜哭

弒之

期

即皇帝位

期後為漢王壽

即即位。改國號漢

○加

庾

亮

征西將軍

假節督江荆豫益梁雍六

立成主期

立趙主弘

浩為風流宗

石虎篡位

州諸軍事。鎮武昌。亮辟殷浩為記室參軍。浩與豫章太守褚裒。丹陽丞杜乂。皆以識度清遠。善談老易。擅名江東。而浩尤為風流所宗。桓彝嘗謂裒曰。季野有皮裏春秋。言其外無臧否。而內有褒貶也。謝安曰。裒雖不言。而四時之氣已備矣。○十一月趙丞相虎廢趙主弘為海陽王。自稱居攝趙天王。○王導辟太原王濛為掾。王述為中兵屬。述性沈靜。每

王述折王導

坐客辯論蜂起。而述處之恬如也。年三十尚未知名。人謂之癡。導以門地辟之。既見。唯問江東米價。述張目不荅。導曰。王掾不癡。人何言癡也。嘗見導每發言。一坐莫不贊美。述正色曰。人非堯舜。何得每事盡善。導改容謝之。○九月趙王虎遷都于鄴。

戊戌

咸康四年

趙太祖石虎建武四年

漢興元年。代高祖什翼捷建國元年。凡

代王什翼捷立

四僭五月。以司徒導為太傅。都督中外諸軍事。郗鑒為太尉。庾亮為司空。是時亮雖居外鎮。而遙執朝廷之權。既據上流。擁強兵。趣勢者多歸之。導內不能平。常遇西風塵起。舉扇自蔽。徐曰。元規塵汚人。○代王翳槐卒。弟什翼捷即代王位。雄勇有智略。國人附之。於是東自濊。反鳥外。貊。西及落那。南距陰山。北盡沙漠。率皆歸服。有衆數十萬人。○慕容皝即

燕王位

己亥五年

趙建武五年

七月。王導薨。導守簡素

寡欲。善因事就功。雖無日用之益。而歲計有餘。輔相三世。倉無儲穀。衣不重帛。

壬寅八年

趙建武八年

五月。帝不豫。帝二子

皆在襁褓。庾冰說帝以國有疆敵。宜立長君。請以同母弟琅邪王岳為嗣。帝許之。○六月。帝崩。琅邪王即皇帝位。

帝崩

少微通鑑節要卷之二十七

少微通鑑節要卷之二十八

晉紀

康皇帝

名岳。字出同。成帝母弟。

在位二年 壽二十二

癸卯

建元元年

趙建武九年

庚翼薦桓温於

庚翼薦桓温

成帝曰。桓温有英雄之才。願陛下勿以常人遇之。常壻畜之。宜委以方面之任。必有弘濟艱難之勲。時杜乂殷浩才名冠世。翼獨弗之重也。曰。此輩宜束之高

殷浩隱居不仕

閣。俟天下太平。然後徐議其任耳。浩累辭徵辟。屏居墓所。幾將十年。時人擬之管葛。江夏相謝尚。長山令王濛。常伺其出處。以卜江左興亡。常相與省之。知浩有確然之志。既返。相謂曰。深源不起。當如蒼生何。翼請浩為司馬。浩不應。翼遺浩書曰。王夷甫立名非真。雖云談道。實長華競。明德君子。遇會變際。寧可然乎。浩猶不起。

甲辰二年。

趙建武十年。主李勢太和元年。漢

○九月。帝

崩。太子即位。時方二歲。太后褚氏臨朝稱制。何充加侍中錄尚書事。

孝宗穆皇帝

名聃。字彭祖。康帝太子。

在位十七年。壽十九。

乙巳

永和元年。

趙建武十一年。慕容皝十二年。

燕王舊大

國一。漢涼小國三。新

小國一。凡五僭國。以會稽王昱為撫

軍大將軍錄尚書事。以徐州刺史桓溫為安西將軍荊州刺史。

殷浩就徵

丙午二年。趙建武十二年以殷浩為揚

州刺史。浩固辭。會稽王昱遺浩書曰。足

下去就。即時之廢興。若深存挹退。苟遂

本懷。吾恐天下之事去矣。浩乃就職。

五月。西平公張駿薨。世子重華自稱涼

州牧。西平公。假涼王。安西將軍桓温

伐漢。李氏據蜀稱漢拜表即行

丁未三年。趙建武十三年是歲漢二

月。温自將步卒。直指成都。漢王執悉衆

桓温滅蜀

出戰。温乘勝長驅至成都。縱火燒其城門。漢人惶懼。無復鬪志。執送降文於温。尋輿櫬面縛詣軍門。温解縛焚櫬送執。及宗室十餘人於建康。舉賢旌善。蜀人悅之。

桓温威名大振

戊申四年。趙建武十四年四月。朝廷論平蜀之

功。乃加温征西大將軍。封臨賀郡公。温

既滅蜀。威名大振。朝廷憚之。會稽王昱

以揚州刺史殷浩有盛名。朝野推服。乃

引為心膂。與參綜朝權。欲以抗溫。由是與溫浸相疑貳。○十一月。燕王皝卒。胡皝

廣反世子雋即位

巳酉五年。趙太寧元年正月。趙王虎即皇帝

位。既而病卒。太子世即位。彭城王遵廢世為譙王。尋殺之。遵即位。以武興公閔為都督中外諸軍事。閔言於遵曰。蒲洪人傑也。今以洪鎮關中。臣恐秦雍之地非復國家之有。遵從之。罷洪都督。洪怒

立趙王遵

褚裒彭城之捷

歸枋頭。遣使來降。○六月。桓溫聞趙亂。出屯安陸。遣諸將經營北方。趙揚州刺史王浹舉壽春降。征北大將軍褚裒上表請伐趙。即日戒嚴。直指泗口。徑赴彭城。北方士民降附者日以千計。朝野皆以為中原指期可復。蔡謨獨謂所親曰。胡滅誠為大慶。然恐更貽朝廷之憂。其人曰。何謂也。謨曰。夫能順天乘時。濟群生於艱難者。非上聖與英雄不能為也。

蔡謨言
力度德量

自餘則莫若度德量力。觀今日之事。殆非時賢所及。必將經營分表。疲民以逞。既而材略踈短。不能副心。財殫力竭。智勇俱困。安得不憂及朝廷乎。魯郡民五百餘家。相與起兵。附晉求援於褚裒。裒遣步將王龕音堪李邁將銳卒三千迎之。趙李農帥騎二萬與龕等戰於代陂。龕等大敗。皆沒於趙。八月。裒退屯廣陵。詔命裒還鎮京口。時河北大亂。遺民三十

裒敗還

趙氏改
號魏

餘萬口渡河來歸。會裒已還。威勢不接。不能自拔。死亡略盡。○十一月。趙武興公閔執趙主遵殺之。○秦雍流民相率西歸。路由枋頭。共推蒲洪為主。眾十餘萬。洪子健在鄴。斬關出奔枋頭。符堅之祖

庚戌

六年

趙主石祗永寧元年。舊大國一。

涼代

燕小國三。新大國一。凡五僭國。

正月

趙大將軍閔即

皇帝位

改國號魏。復姓冉。氏。八年。為燕所滅。

姚弋仲蒲

洪各有據關右之志。弋仲遣其子襄帥

苻健入長安

衆五萬擊洪。洪迎擊破之。洪自稱大都督三秦王。改姓苻氏。○三月。洪卒。世子健代領其衆。○十一月。苻健入長安。以民心思晉。乃遣使詣建康獻捷。并修好於桓温。於是秦雍夷夏皆附之。

辛亥七年。

趙永寧二年。魏永興二年。是歲。秦主苻健皇始元年。

亡。舊大國一。涼代燕小國。正月。苻健即

苻健即秦王位

天王位。國號大秦。凡趙之苛政。不便於民者。皆除之。○初。桓温聞石氏亂。上疏

桓温謀北伐

請出師。經略中原。事久不報。温知朝廷仗殷浩以抗己。甚忿之。然素知浩之為人。亦不之憚也。以國無他釁。遂得相持彌年。雖有君臣之跡。羈縻而已。八州士衆資調。殆不為國家用。屢求北伐。詔書不聽。十二月。温拜表。輒行。帥衆四五萬。順流而下。軍于武昌。朝廷大懼。司馬高崧言於會稽王昱曰。王宜致書諭以禍福。自當返旆。如其不爾。便六軍整駕。逆

順於茲判矣。乃於坐為昱草書。温即上
疏惶恐謝罪。回軍還鎮。

壬子

八年

魏永興三。秦皇始二年。是歲

燕

魏凡四大二小

正月

秦王健即皇帝位。殷

殷浩北伐

浩上疏請出師許洛。詔許之。浩之北伐

也。王羲之以書止之。不聽。既而無功。復

謀再舉。羲之遺浩書曰。今以區區江左。

天下寒心固已久矣。力爭武功。非所當

作。不聽。○四月。燕滅魏。○十一月。燕王

雋即皇帝位。徙都鄴。○姚弋仲卒。子襄
帥眾來歸。襄博學善談論。江東人士皆
重之。

姚襄降而復反

癸丑

九年

秦皇始三。燕元璽二年

姚襄屯歷陽。殷

浩惡其強盛。屢遣刺客刺之。十月。浩北
伐。以襄為前驅。襄反攻浩於山桑。浩大
敗。

甲寅

十年

秦皇始四。燕元璽三年

正月。

張祚自稱涼王。揚州刺史殷浩連年北

通鑑卷之三十一
十一
伐師徒屢敗。糧械都盡。桓温因朝野之怨。上疏數浩之罪。請廢之。朝廷不得已。免浩為庶人。自此內外大權一歸於温矣。○桓温統步騎四萬伐秦。進至霸上。三輔郡縣皆來降。温撫諭居民。使安堵復業。民爭持牛酒迎勞。男女夾路觀之。耆老有垂泣者。曰。不圖今日復覩官軍。○北海王猛少好學。倜儻有大志。倜。它歷反。不屑細務。人皆輕之。猛悠然自得。隱居

王猛捫虱談世務

華陰。聞桓温入關。披褐詣之。捫虱而談。當世之務。旁若無人。温異之。問曰。吾奉天子之命。將銳兵十萬。為百姓除殘賊。而三秦豪傑未有至者。何也。猛曰。公不遠數千里。深入敵境。今長安咫尺。而不渡灞水。百姓未知公心。所以不至。温嘿然無以應。徐曰。江東無卿比也。乃署猛軍謀祭酒。○初。温指秦麥以為糧。既而秦人悉芟麥。温軍乏食。六月。徙關中三

桓温敗還

千餘戶而歸。秦兵追擊之。温軍屢敗。

乙卯十一年。秦主苻生壽光元年。燕元六

月。秦主健卒。太子生即位。

丙辰十二年。秦壽光二年。燕桓温自江陵

北伐。與寮屬登平乘樓。望中原。歎曰。遂

使神州陸沉。百年丘墟。王夷甫諸人不

得不任其責。○八月。温至伊水。姚襄撤

圍拒之。温結陳而前。親被甲督戰。襄眾

大敗。死者數千人。襄帥麾下數千騎奔

桓温歎神州陸沉

温克洛陽

于洛陽北山。周成帥眾出降。温屯故太

極殿前。既而徙屯金墉城。謁諸陵。有毀

壞者。修復之。以二千人戍洛陽。衛山陵。

執周成以歸。姚襄奔平陽。襄後欲圖關

兵敗為秦所殺。弟○十月。**燕**大司馬恪

圍段龕於廣固。十一月。龕面縛出降。恪

撫安新民。悉定齊地。

燕克齊

丁巳升平元年。秦主苻堅永興元年。燕光壽元年。**秦**主生

飲酒無晝夜。乘醉多所殺戮。群臣得保

一日。如度十年。東海王堅。素有時譽。與薛讚權翼善。讚翼密說堅曰。主上猜忌暴虐。中外離心。方今宜主秦祀者。非殿下而誰。願早為計。勿使它姓得之。堅以問尚書呂婆樓。婆樓曰。僕里舍有王猛者。其人謀略不世出。殿下宜請而咨之。堅因婆樓以招猛。一見如舊友。語及時事。堅大悅。自謂如劉玄德之遇諸葛孔明也。梁平老等謂堅曰。主上失德。上下

符堅得
王猛

嗷嗷。人懷異志。燕晉二方。伺隙而動。恐禍發之日。家國俱亡。此殿下之事也。宜早圖之。堅然之。堅與呂婆樓帥麾下三百人鼓譟而進。宿衛將士皆舍仗歸堅。生猶醉寐。堅兵引生置別室。廢為越王。尋殺之。堅乃去皇帝號。稱大秦天王。○十一月。秦王堅行至尚書。以文案不治。免左丞相程卓官。以王猛代之。堅舉異才。脩廢職。課農桑。恤困窮。禮百神。立學

秦王堅
立

校。旌節義。繼絕世。秦民大悅。

戊午二年。秦永興二。燕光壽二年。九月。**秦**大旱。堅

減膳徹樂。命后妃以下悉去羅紈。開山

澤之利。公私共之。息兵養民。旱不為灾。

王猛日親幸用事。

庚申四年。秦甘露二。燕幽帝。正月。**燕**主

雋疾篤。召大司馬太原王恪授遺詔。輔

政而卒。太子暉即位。○朝廷初聞燕主

雋卒。皆以為中原可圖。桓温曰。慕容恪

桓温憚慕容恪

謝安不仕

尚在。憂方大耳。○謝安少有重名。前後

徵辟皆不就。寓居會稽。以山水文籍自

娛。雖為布衣。時人皆以公輔期之。士大

夫至相謂曰。安石不出。當如蒼生何。年

四十餘。桓温請為司馬。安乃赴召。温大

喜。深禮重之。

辛酉五年。秦甘露三。燕建熙二年。五月。

帝崩。無嗣。琅邪王丕即皇帝位。○范甯

好儒學。性質直。常謂王弼何晏之罪深。

秦甘露三。燕建熙二年。是歲涼奉升平之號。

王何罪
深桀紂

於桀紂。或以為貶之太過。竊曰。王何蔑
棄典文。幽沈仁義。游辭浮說。波蕩後生。
使縉紳之徒。翻然改轍。以至禮壞樂崩。
中原傾覆。遺風餘俗。至今為患。桀紂縱
暴一時。適足以喪身覆國。為後世戒。豈
能迴百姓之視聽哉。故吾以為一世之
禍。輕歷代之患。重自喪之惡。小迷眾之
罪大也。○十二月。秦王堅命牧伯守宰
各舉孝悌廉直文學政事。察其所舉得

秦王修
政

人者賞之。非其人者罪之。由是人莫敢
妄舉。而請託不行。當是之時。內外之官。
率皆稱職。田疇修闢。倉庫充實。盜賊屏
息。

哀皇帝

名丕。字千齡。
成帝長子。

在位四年 壽二十五

壬戌

隆和元年。

秦甘露四年。
建熙三年。

正月。桓温

上疏請遷都洛陽。自永嘉之亂。播流江
表者。請一切北徙。以實河南。朝廷畏温

桓温請
遷都洛
陽

不敢為異。而北土蕭條。人情疑懼。雖並
知不可。莫敢先諫。散騎常侍孫綽上疏
曰。昔中宗龍飛。非惟信順協於天人。實
賴萬里長江畫而守之耳。今自喪亂已
來六十餘年。河洛丘墟。函夏蕭條。士民
播流江表。已經數世。存者老子長孫。亡
者丘隴成行。雖北風之思感其素心。目
前之憂實為交切。植根江外數十年矣。
一朝頓欲拔之。驅蹶於空荒之地。提挈

萬里。踰險浮深。離墳墓。棄生業。田宅不
可復售。舟車無從而得。捨安樂之國。適
習亂之鄉。國家之所宜深慮也。王述曰。
溫欲以虛聲威朝廷耳。非事實也。但從
之。自無所至。事果不行。溫又議移洛陽
鍾虞。述曰。永嘉不競。暫都江左。方當蕩
平區宇。旋軫舊京。若其不爾。宜改遷園
陵。不應先事鍾虞。溫乃止。

癸亥

興寧元年

秦甘露五年。燕建熙四年。

五月。加桓

簿
髯參短

温侍中。大司馬都督中外諸軍。錄尚書事。温以王坦之為長史。坦之。述之子也。又以郝超為參軍。王珣為主簿。珣音每事必與二人謀之。府中為之語曰。髯參軍。短主簿。能令公喜。能令公怒。超與謝玄皆為温掾。以絹反温俱重之。曰。謝掾年四十。必擁旄杖節。王掾當作黑頭公。皆未易才也。玄。弈之子也。

甲子

二年

秦甘露六年。燕建熙五年。凉西平悼公張天錫一年。五

王述不為虛讓

月。以揚州刺史王述為尚書令。王述每授職不為虛讓。其所辭必於所不受。及為尚書令。子坦之白述故事當讓。述曰。汝謂我不堪邪。坦之曰。非也。但克讓自美事耳。述曰。既謂堪之。何為復讓。人言汝勝我。定不及也。三年。帝崩。琅邪王奕即皇帝位。○三月。燕大宰恪。吳王垂共攻洛陽。克之。引兵略河南諸城。盡下之。

帝奕

字延齡。成帝太子也。後為桓温廢為海西公。史曰廢帝。

在位六年 壽四十五

丁卯 太和二年 秦建元三年 燕建熙八年 燕太原王

恪疾病。暉親視之。問以後事。恪曰。吳王文武兼資。管蕭之亞。陛下若任以大政。國家可安。不然。秦晉必有窺窬之計。言終而卒。秦王堅聞恪卒。陰有圖燕之計。

己巳 四年 秦建元五年 燕建熙十年 四月。大司馬桓

溫帥步騎五萬伐燕。時恪已死。諸將不能抗。燕王暉乃求救于秦王。王猛密言於

桓溫伐燕

堅曰。燕雖疆大。慕容評非溫敵也。若溫舉山東。進屯洛邑。收幽冀之兵。引并豫之粟。觀兵崤澗。則陛下大事去矣。今不如與燕合兵以退溫。溫退燕亦病矣。然後我承其弊而取之。不亦善乎。堅從之。遣洛州刺史鄧羌帥步騎二萬以救燕。溫數戰不利。糧儲復竭。又聞秦兵將至。乃焚舟棄輜重鎧仗。自陸道犇還。吳王垂自帥八千騎追之。及溫於襄邑。大破

溫軍敗

慕容垂
犇秦

之斬首三萬級。秦將苟池邀擊温於譙，又破之。死者復以萬計。温收散卒屯于山陽。温深恥喪敗，乃歸罪於袁真。奏免真為庶人。○燕王垂還鄴，威名益振。太傅評忌之。垂與子弟姪俱犇秦。初，堅聞大宰恪卒，陰有圖燕之志。憚垂威名，不敢發。及聞垂至，大喜。郊迎執手曰：天生賢傑，必相與共成大功。此自然之數也。要當與卿共定天下。然後還卿本鄉。

王猛請
除慕容垂

世封幽州，不亦美乎？王猛言於堅曰：慕容垂父子，辟如龍虎，非可馴之物。若借以風雲，將不可復制。不如早除之。堅曰：吾方收攬英雄，以清四海，奈何殺之？乃以垂為冠軍將軍。○秦王堅遣王猛梁成、鄧羌帥步騎三萬伐燕。十二月，進攻洛陽。○大司馬温發兗州民築廣陵城，徙鎮之。時征役既頻，加之疫癘，死者什四五。百姓嗟怨。秘書監孫盛作晉春

晉春秋

秋直書時事。大司馬溫見之怒。謂盛子曰。枋頭誠為失利。何至乃如尊君所言。若此史遂行。自是關君門戶事。其子遽拜謝。請改之。時盛年老家居。性方嚴。有軌度。子孫雖斑白待之愈峻。至是諸子乃共號泣稽顙。請為百口計。盛大怒不許。諸子遂私改之。

庚午五年

秦建元六。燕建熙十一年。是歲燕亡。大一。小二。凡三僭

國正月。燕荊州刺史武威王築以洛陽

秦破燕

降秦。六月。秦王堅復遣王猛督鎮南將軍楊安等將步騎六萬以伐燕。八月。燕王暉命太傅上庸王評將中外精兵三十萬以拒秦。猛克壺關。所過郡縣皆望風降附。燕人大震。黃門侍郎封孚問司徒長史申胤曰。事將何如。胤歎曰。鄴必亡矣。吾屬今茲將為秦虜。然越得歲而吳伐之。卒受其禍。今福德在燕。秦雖得志。而燕之復建。不過一紀耳。九月。秦王

猛進兵潞州。太傅評以猛懸軍深入。欲以持久制之。猛陳於渭源而誓之。衆皆踊躍。破釜棄糧。大呼競進。燕兵大敗。俘斬五萬餘人。乘勝追擊。所殺及降者又十萬餘人。評單騎走還鄴。秦兵長驅而東。丁卯圍鄴。十一月。秦王堅自帥精銳十萬赴鄴。戊寅。燕散騎侍郎餘蔚夜開鄴北門納秦兵。燕主暉與上庸王評等奔龍城。秦王堅使遊擊將軍郭慶追及

黃泓言
燕必中
興

於高陽。執以詣秦王堅。堅哀而釋之。令還官帥文武出降。諸州牧守及六夷渠帥盡降於秦。○十二月。秦王堅遷慕容暉及王公百官并鮮卑四萬餘戶于長安。燕故大史黃泓歎曰。燕必中興。其在吳王乎。恨吾老不及見耳。汲郡趙秋曰。天道在燕而秦滅之。不及十五年。必復為燕有。

太宗簡文皇帝

名昱。字道萬。
元帝少子。

在位二年 壽五十三

辛未 咸安元年。秦建元七年 正月 秦王堅徙

關東豪傑及雜夷十五萬戶於關中。處

烏桓於馮翊北地。丁零翟斌於新安澠

池。斌音彬。澠音免。 ○十月。大司馬溫恃其材略

位望。陰蓄不臣之志。嘗撫枕歎曰。男子

不能流芳百世。亦當遺臭萬年。溫欲先

立功河朔。以收時望。還受九錫。及枋頭

之敗。威名頓挫。既克壽春。謂參軍郗超

郗超勸立桓溫廢

曰。足以雪枋頭之恥乎。超曰。未也。久之

超就溫宿。中夜謂溫曰。明公當天下重

任。今以六十之年。敗於大舉。不建不世

之勲。不足以鎮愜民望。溫曰。然則柰何。

超曰。明公不為伊霍之舉。無以立大威

權。鎮壓四海。溫素有志。深以為然。遂與

之定議。○十一月。溫自廣陵詣建康。宣

太后令。廢帝為東海王。以會稽王昱統

承皇極。即皇帝位。溫威執翕赫。侍中謝

溫廢立

安見温遙拜。温驚曰。安石。卿何事。乃爾。安曰。未有君拜於前。臣揖於後。於是詔進温丞相。大司馬留京師輔政。温固辭。仍請還鎮姑孰。○十二月。大司馬温奏東海王宜依昌邑王故事。乃封海西縣公。温威振内外。帝雖處尊位。拱默而已。

壬申

二年

秦建元八年

七月

帝崩

太子即皇

帝位

○八月。秦以王猛為丞相。猛為相。堅端拱於上。百官總已於下。軍國内外之事。無不由之。猛剛明清肅。善惡著白。放黜尸素。顯拔幽滯。勸課農桑。練習軍旅。官必當才。刑必當罪。由是國富兵強。戰無不克。秦國大治矣。

秦王猛治

少微通鑑節要卷之二十八

